



Hringbrautarverkefnið – staða framkvæmda

- **BREEAM umhverfisvottun á jarðvinnu við grunn meðferðarkjarna**
- **Framkvæmdir við bílastæði við Kringlu á lóð Landspítala**
- **Lokafrágangur sunnan og vestan við Eirberg**
- **Frágangur sunnan við geðdeildarbyggingu Landspítala**
- **Megin jarðvinnu vegna bílakjallara undir Sóleyjartorg lokið**
- **Jarðvegsframkvæmdir fyrir nýjum meðferðarkjarna**
- **Frágangur við bílastæði norðan við Eirberg**
- **Frágangur við bílastæði vestan við gamla Landspítala.**
- **Vinnusvæði meðferðarkjarnans, gæta skal varúðar við akstur**

BREEAM umhverfisvottun á jarðvinnu við grunn meðferðarkjarna



Fulltrúar sem komu að lokaúttekt á BREEAM umhverfisvottun við grunn meðferðarkjarna
Helga Jóhanna Bjarnadóttir Efla verkfræðistofa, Bjarma Magnúsdóttir ÍAV,
og Olga Árnadóttir FSR

Gerð hefur verið lokaúttekt á BREEAM umhverfisvottun á grunni meðferðarkjarnans. Um er að ræða alþjóðlegt vottunarkerfi sem nær til umhverfis- öryggis og vinnuverndar, umhverfisstjórnunar á verkstað, úrgangsstjórnunar og til þátta er varða landnotkun og vistfræði. Þar sem vinnu við grunn meðferðarkjarnans er nánast lokið fór fram lokaúttekt en ÍAV hefur unnið markvisst að BREEAM kröfum í gegnum verkferlið frá upphafi verksins. Lokaúttektin er hluti af BREEAM fullnaðarvottun meðferðarkjarna. Verkefnið er unnið í samvinnu FSR, ÍAV, verkfræðistofunnar Eflu og NLSH.

Framkvæmdir við bílastæði við Kringlu á lóð Landspítala



Verið er að leggja snjóbræðslu í bílastæði gegnt Kringlu á lóð Landspítala

Nú standa yfir framkvæmdir við bílastæði gegnt Kringlunni á lóð Landspítala. Sett verður snjóbræðsla í bílastæðið og legu þeirra verður breytt lítillega.
(Sjá nr. 1 á korti)

Lokafrágangur sunnan og vestan við Eirberg



Búið er að helluleggja og leggja kantstein sunnan við Eirberg, séð til vesturs



Hellulagning við vesturhlið Eirbergs, séð til norðurs



Búið er að merkja ný bílastæði við vesturhlið Eirbergs, séð til norðurs

Nú er unnið við frágang sunnan og vestan við Eirberg. Búið er að leggja snjóbræðslu og verið að leggja lokahönd á hellulögn.

Unnið er við að helluleggja gönguleið á milli geðdeildarbyggingar og Eirbergs. Gönguleiðin er með snjóbræðslu.

Búið er að leggja tröppur frá bílastæði að Eirbergi. Vinnu við frágang á svæði ofan við bílastæði við Eirberg er ólokið.

Ekki er gert ráð fyrir að bifreiðum sé lagt við girðinguna sem nær að inngangi geðdeilda. Áætlað er að þessum framkvæmdum ljúki í maí.

(Sjá nr.2 á korti)

Frágangur sunnan við geðdeildarbyggingu Landspítala



Við geðdeildarbyggingu Landspítala er unnið við að leggja snjóbræðslu og við hellulögn

Verið er að leggja lokahönd á framkvæmdir við bílastæðin sunnan við geðdeildarbyggingu.

Verið er að leggja snjóbræðslu og unnið við að helluleggja.

Bílastæði fyrir hreyfihamlaða verða stækkuð og aðgengi að svæði við geðdeildarbyggingu bætt.

Verklok eru áætluð í lok maí.

(Sjá nr. 3 á korti)

Megin jarðvinnu vegna bílakjallara undir Sóleyjartorg lokið



Megin jarðvinnu við grunn bílakjallara er lokið,
séð til austurs



Grunnur bílakjallara, séð til suðurs

Megin jarðvinnu við grunn bílakjallara er lokið. Ólokið er að bora og sprengja í norðaustur horni bílakjallarans. Þeirri vinnu lýkur í maí. Bílakjallarinn verður staðsettur undir Sóleyjartorgi austan við meðferðarkjarna. Áætlað er að jarðvegsframkvæmdum vegna bílakjallara ljúki í maí.
(Sjá nr. 4 á korti)

Jarðvegsframkvæmdir fyrir nýjum meðferðarkjarna



Vinnu við grunn meðferðarkjarna er nánast lokið,
séð til austurs



Yfirlitsmynd, grunnur meðferðarkjarna séð til
suðurs

Vinnu við grunn nýs meðferðarkjarna er nánast lokið. Verklok eru áætluð í maí og unnið er við hreinsun á grunninum. Öll umferð um framkvæmdasvæðið er bönnuð og svæðið er vaktað.
(Sjá nr. 5 á korti)

Frágangur við bílastæði norðan við Eirberg



Eftir er að helluleggja við eyjur norðan við Eirberg

Frágangsvinna stendur yfir við bílastæði norðan við Eirberg. Eftir er að helluleggja eyjur og við annan frágang.

Stæðin eru gjaldskyld og eru ætluð fyrir sjúklinga og aðstandendur þeirra.

Verklok eru áætluð í maí.

(Sjá nr. 6 á korti)

Frágangur við bílastæði vestan við gamla Landspítala



Verið er að leggja snjóbræðslu við bílastæði vestan við gamla spítala

Vinna heldur áfram við frágang við bílastæði vestan við gamla Spítala. Verið er að leggja snjóbræðslu á gönguleið frá bílastæði að gamla spítala og svæðið verður hellulagt. Bílastæðin hafa verið tekin í notkun og eru ætluð fyrir gesti spítalans og eru gjaldskyld. Verklok eru áætluð í maí.

(Sjá nr. 7 á korti)

Vinnusvæði meðferðarkjarnans, sýnið varúð við akstur




Akstur vinnutækja inn á vinnusvæði meðferðarkjarnans er frá götu út frá Læknagarði. Búið er að merkja gönguleiðir og göngubrautir yfir götuna fyrir gangandi vegfarendur en ökumönum er bent á að sýna aðgát við akstur á svæðinu.

Akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna.

(Sjá nr. 8 á korti)

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmölum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH,

866 1378 eða magnus@nlsh.is

Sértækar upplýsingar veitir af hálfu Landspítala Stefán Hrafn Hagalín 897 3644
stefanhh@landspitali.is og frá Háskóla Íslands Björn Gíslason 896 0876 bgisla@hi.is



nlsh.is

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / postur@nlsh.is

Höfundaréttur © NLSH ohf.